

Mbanjunglengz:

Aenmbanj Ceiq Gyaeundei Mbanjcuengh

“壮乡最美乡村” 共联屯

□ Couh Vaz ingj



Daj giz gyae yawj aenmbanj, gyaeundei rafxcate.



▲ Gvaq cieng gvaq ciet, ndaw mbanj cungj miz heiq yawj.



▲ Ciengz senhconz baij henz roenmbanj.



▲ Gyoengq mehmbwk doxdax mbiq haeuxyangz.



▲ Gyoengq sau ndaw mbanj eu fwen gingq laeuj coux hek.

Youq ndaw Mbanjunglengz Sinhliiz Cunh Nazmanj Cin Denzyangz Yen, vunzraeuz ndaej yawjraen aen dem aen ranzlaeuz moq ciengz hau vax mong baenz coij baenz baiz cingcingj caezcaez, roenmbanj diuz vangz diuz rae h gvangqyub bingzbdw sohswd seuqcingh, seksek cazcaz gova mbaw heuloeg va ronghsien, aen daizheiq henz gvangcangz cang ndaej ronghsag ndeiyawj, lanz-giuzcangz, ranzyawjsaw, veiswnghsis, dieglienhndang doenghgij neix yienghyiengh miz caez, baenz aen mbanj ceiq gyaeundei Mbanj-cuengh.

Mbanjunglengz dieg youq rangh baihnanz Dahyougyangh, liz yienhsingz Denzyangz 12 goengleix gyae, dwg aen mbanj senjyouq bi 1977 daj ndaw diegbya Sinhliiz Cunh senjbuen okdaeu ndeu, gungh miz 96 ranz 320 vunz, miz 256 moux reih. Aenvih dieg neix youq rangh ngadah iq Dahdozlez, dwg giz doxgap diegbingz

caeuq diegbya, raemx conj namh saetlae gig youqgaenj, namhreih genzbyom, miengrij saekdimz, gaiq-reih soucingz yaez, vunz lai souhaeu mbouj lai, bi 2010 daengx mbanj moix vunz bingzyaenz cinghsouhaeu ngamq 2500 lai maenz, youq Denzyangz baiz youq cungqyang lij daemq di.

Bi 2010 ndwen 5, Siz Ginbingz cujsiz (seizde lij dang fucjsiz) bae aen mbanj neix cunzyawj le, ndaw yienh couh dawz aen mbanj neix lied guh diemjguhyiengh hwnjguh lajmbanj moq seveicujyi, haeuj-coengh gyoengqde hwnjguh lajmbanj moq, vat mieng yinx raemx caeuq ceihleix raemx conj namh saetlae, doenggvaq fung bya ung faex, doiq reih ndaem faex caeuq gak ranz guh caujgiciz doenghgij hong neix le, hawj dangdieg faex loeg raemx saw, swnghdai vanzging bienq ndei. Doengzseiz, bangcoengh vunzmbanj haenqrengz dajndaem dajciengx, guh

le gunghcwngz byoq rwed dwkraemx, laeb hozcozse caeuq Mbanjcuengh Ranghdah Cizdonz doxgap cauxguh makyungz iq ndaemganq gihdi, hawj moux reih daj gaxgonq souhaeu 2000 maenz dem daengz le 10000 maenz doxhwnj; lij miz ciengzciengxgaeq ndaw ndoengfaex 12 aen, bi ndaej gai gaeqnoh 30 fanh duz, ndaej ngaenz 2100 fanh maenz; mbanj bouxcoz lij okrog dajgoeng demlai souhaeu, baenzneix, bi 2011, daengx mbanj moix vunz bingzyaenz cinghsouhaeu couh dabdaengz 5000 lai maenz.

Aenmbanj bienqvaq hungloet, vunzmbanj saedceij bi ndei gvaq bi, ndawsim angqyangz, ngoenznaengz guhhong dauqma le, vunzmbanj caemh ciuq haengjgyaez bonjfaenh, mbanj dwkgiuz yawjsaw, mbanj yienjheiq diuqfoux, yungh gij hengz-doengh gaengguh bonjfaenh, aeu gij saedceij cwxcailh vuenyungz neix bae hwnjguh siujgangh sevei, angqcoux daengzcog engq gyaeundei.



▲ Gyoengq nyez bae ranz-yawjsaw ndaw mbanj yawj saw.



▲ Vunzmbanj ndaem mak-yungz iq ndaej fungsou.



▲ Gyoengq bouxcoz ndaw mbanj doxdax dwk lanzgiuz.



▲ Roenmbanj gvangqyub bingzbdw seuqcingh.



▲ Yiengh mbanj moqsag gyaeundei.